



# ESPERANTO JE LA SERVO DE L' TUTMONDA PROLETARO SENNACIULO

OFICIALA ORGANO DE SENNACIECA ASOCIO TUTMONDA  
KULTURA KAJ INTERHELPA ORGANIZO DE PROLET-ESPERANTISTOJ

APERAS  
MONATE

REDAKTEJO: 14, av. de Corbéra, Paris 12e. - GVIDANTO: E. Lanti. - SIDEJO DE PLENUM-KOMITATO  
DE SAT: 23, rue Boyer, Paris 20e. - ADMINISTREJO: R. Lerhner, Kolmstr. 1, Leipzig O 27 (Germanio).

APERAS  
MONATE

## Stokholmo en la historio de la laborista movado

Oni kutime diras, ke historio de l' popolo estas la historio pri ĝiaj reĝoj. Pri la urbo de la dektria SAT-kongreso ni povas turni la frazon, dirante, ke ĝia historio estas la historio de l'popolo de Stokholmo. Kiel ruĝa fadeno tra la historio oni vidas la liberemon ne nur de la Stokholmanoj, sed de la tuta sveda popolo. Kiam la popolo estis subpremata, ĝi ribelis, kion pravas multaj faroj jam de la pra-tempo k ĝis niaj tagoj. Tial, kiam la socialismo unuan fojon estis priparolata en la lando, multaj tuj aliĝis al ĝia sava ideo k la laborista movado estas treege forta nuntempe en la tuta lando. La

svedoj eble ne tiom brue agis, kiel faris la laboristoj en aliaj landoj. La popolanimo ja estas iom alia; ne flamiĝema, sed persistema; ne hezitema, sed obstina k la solidaron la sveda laboristaro havas en sia sango. Trankvile k obstine ĝi marŝis; faris la revolucion en sia propra animo unue k poste tiel venkis la barojn. Memorinda estas la ĝeneralstrikto en 1909, kiam eĉ ribelete ne okazis malgraŭ multaj provokprovoj dum la tuta monato, dum kiu la sveda laboristaro strikis. La

provo de la kapitalistoj tiam frakasi la sindikatojn restis - provo. Demokrata estas la konstitucio, eĉ pli demokrata ol ĝi estas en multaj respublikoj. Nature troviĝas ankoraŭ reak-

Engelbrekt Engelbrektsson, faris sian liberigan batalon kontraŭ la tiama reakcio k subpremo, kies sekvo estis kreo de parlamento.

La socialistoj pli k pli sukcesis akiri al si la fidon de la elektantaro k jam nun estas videbla la tago, kiam ili havos la plimulton en la parlamento. Ĉe la lastaj elektoj la socialdemokratoj k komunistoj kune kolektis pli ol milionon da voĉoj; 112 anoj el 230 ili estas en la nun funkcianta parlamento k en la senato la soc-demokratoj posedas 58 mandatojn el 150. La rezulto de la lasta baloto estas ankaŭ, ke la soc-demokratoj devis preni al si



Laboristmovada strato de Stokholmo, Barnhusgatan (strato de orfejo)  
(Plej maldekstre la domo, en kiu SLEA havas sian ejon)

cio, sed ĝi pli k pli devas submetiĝi al la formoj de l'demokratio.

La sveda parlamento estas forta pruvo pri la demokrateco de la sveda popolo. Jam de 500 jaroj ĝi ekzistas, estante la plej malnova parlamento el la tuta mondo - la islanda ja estas miljara, sed travivis periodojn, dum kiuj ĝi ne funkciis, sed la sveda funkciis dum tuta sia ekzistotempo. En la jaro 1935 la sveda parlamento festos sian jubileon. Nome en la jaro 1435 la sveda Vilhelmo Tell,

la taskon starigi socialdem. registaron.

Kiel estas en la parlamento, tiel estas ankaŭ en multaj urboj. La socialistoj pli k pli sukcesis venki k en kelkaj urboj ili nun posedas la potencon. Same estas ankaŭ en Stokholmo k ĉe la lastaj elektoj oni sukcesis eĉ plimulti la mandatojn per dek k nun la urba konsilantaro konsistas el 52 socialdemokratoj, 5 komunistoj k 43 burĝoj.

La socialista regado de la urba parlamento faris ankaŭ grandajn signojn



en la urbkonsilantara prizorgo al la urbo. Kvar el la „urbaj ministroj“ estas socialdemokratoj, nome ĉefo de mizerulhelpa fako, ĉefo por instruada fako, ĉefo por la fako de urbaj fabrikoj k ĉefo por la fako de urba ter- k domposedo. En la lastaj jaroj la sumoj por la mizerulhelpo treege kreskis pro la senlaboreco, sed ankaŭ ĉar oni nun traktas la viktimojn de senlaboreco k mizero aliel ol pli frue dum la burĝa regtempo. Rilate al la popollernejoj, ĉi tiuj nun aspektas tute aliel ol antaŭ nur dekkvin—dudek jaroj. Nun estas belaj domoj kun bonaj instalaĵoj, kiel ekz. banejo kun baseno, kie la infanoj lernas naĝi, prizorgejo pri la dentoj, kie ĉiu infano ekde sia sepa jaro ĝis la dekkvara havas senpagan prizorgon al siaj dentoj fare de veraj kompetentuloj, taŭgaj lernocambroj, metisekcioj, en kiuj la infanoj sub gvido de vera metiisto lernas slojdi (manlabori) ligne k metale, speciala sekcio por ftize malsanaj infanoj, ktp. La famo pri la modernaj lernejoj disvastiĝis k el la tuta mondo oni venas al Stokholmo por pristudi la popollernejojn.

Pro la fuŝado de la burĝa regado en la pasinto la socialdem. gvido de la urbo devis aliformigi multon. Per la komunumigo de la tramkompanio oni forigis multajn mankojn de la trafiko, havigante novajn pli konvenajn tramvagonojn, starigante novajn liniojn ktp., k la tramistaro mem ricevis pli bonajn labor-, salajro- k libertempokondiĉojn. Eĉ la plej grandaj kontraŭuloj de tiu faro devas konfesi, ke ili ne volas rehavi la pasinton. En la kredita konto de socialista regado oni ankaŭ povas enskribi la plibonigojn de la stratoj, kies pavimo nun egalas al tiu el kiu ajn grandurbo. La socialista gvidado sukcesis solvi trafikproblemon, kiu por la urbo antaŭe estis vera skandalo. Estas la ordigo de la plej trafikplena loko de la tuta urbo, nome la kluzo, kiu estas la sola transirejo por duono de la urbo. Dum pluraj jardekoj la burĝoj diskutis la problemon k ĉiam oni fuŝis ĝin, lasante resti la netolereblan staton. Nun finfine la socialista regado faris bonan solvon de tiu trafikproblemo, novkonstruante la lokon, kie la trafiko, kiam la konstruo estos preta, pasos tra tri etaĝoj. Kune kun tiu projekto oni ankaŭ konstruas subteran tramvojon sub la suda urboparto. Tiu tunelo estos preta verŝajne ĝis la tempo de la XIII-a kongreso de SAT.

En la tempo tuj sekvanta la militon la manko de loĝejoj estis grandega en Stokholmo. Oni faris multajn provojn por forigi la mankojn k sukcesis, kiom oni povis, per la rimedoj restantaj post la burĝa fuŝado ankaŭ de tiu afero. Fondiĝis du kooperativaj societoj, kiuj kiel celo starigas produktadon

de novaj loĝejoj. Per monsubteno de la urbo tiuj kooperativaj societoj tre bone sukcesis konstrui novajn, higienajn loĝejojn, kies luprezoj tre diferencas de la privataj.

En la lastaj jaroj la magistrato krome starigis tute novan formon de familidometa produktado. En la ĉirkaŭaĵoj de la urbo tiu mem posedas grandampleksan grundon, sur kiu estas konstruataj familidometoj por la laboristoj. Tiuj dometoj, kiuj kostas ĉirkaŭe 12 000—15 000 kronojn estas konstruataj de la posedanto mem k enhavas kutime tri ĉambrojn k kuirejon. La posedanto ne bezonas elspezi kontantan monon, sed enigi en la domo memlaboron je valoro da 1000 kronoj k poste amortizi la restantan sumon per jarkotizoj, kiuj ne estas eĉ tiom grandaj, kiom oni pagas por ĉambro k kuirejo en la interna urbo. Unu el la kondiĉoj por havi tian dometon estas, ke oni ne havu tro altan jarsalajron — la limigo estas 7000 kronoj. Tiu

agado de la urbo fariĝis tre populara k en la fino de tiu ĉi jaro troviĝos pli ol 2000 da tiuj dometoj, al kiuj ankaŭ apartenas malgranda terparcelo por nutraj kreskaĵoj por la familio.

Tamen la magistrato ne nur ekster la urbo provis formojn por malkarigo de la tre altaj luprezoj de Stokholmo — la plej altaj en tuta Eŭropo. Ankaŭ en la interna urbo ĝi faris multon por tiu celado. Per subvencioj en formo de grandaj rabatoj je la prezo de la parceloj oni tiele sukcesis konstruigi domojn, en kiuj la luprezoj estas tre malaltaj kompare kun la privataj. Ne malpli ol 12 milionojn da kronoj la urbo investis en tiajn domojn. Por tiu sumo estis konstruataj 84 domoj kun 4458 loĝejoj en valoro de 56 milionoj da kronoj. La urbo starigis por tiuj domoj specialan kondiĉon, nome, ke la luprezoj nur per kontrolo de la urbaj instancoj estu starigitaj.

(Daŭrigota.)

Joĉjo.

## XIII-a Kongreso de SAT en Stokholmo

(5-a—10-a de aŭg. 1933)

### 3. Komunikio

La malfermo okazos en Koncerta domo de Stokholmo, unu el la plej belaj domoj de la nova tempo, kun bela k bona programo. La soleno okazos dimanĉe la 6-an de aŭg. en la vespero.

Tagmeze en la sama tago okazos granda manifestacio, la kongresantoj marŝos de Norda Relvoja Placo (Norra Bantorget, prononcu nora bantorjet) al la liberaera muzeo *Remparo* (Skan-sen).

La kongreso mem okazos en Domo de l'Popolo, en kies granda halo estos akceptejoj. La kongresejo situas je tri minutoj piedire de la Centra stacidomo. En Domo de l'Popolo okazos ankaŭ la specialaj konferencoj k kun-sidoj. Ni admonas jam nun la Gekdojn, kiuj deziras specialkonferencojn, sciigi tion al la OKK, kiu prizorgos la programojn laŭ la deziroj k havigos la ejojn laŭbezzone.

Grave. La OKK preparos kune kun K-do Neergaard en Kopenhago „Laboristan Universitaton“, k petas al ĉiuj, kiuj havas proponojn pri ĝi, sin turni rekte al K-do Paul Neergaard, Kastelsvej 21, Kopenhago (Danio).

La loĝeja problemo estas nur malfacile solvebla, tamen OKK esploras la eblon por granda tendaro k amasloĝejo.

Vojaĝoj al la kongreso. OKK provos interkonsente kun koncernaj instancoj havi favorajn vojaĝoprezojn. La rezulto tamen dependas de la aro da partoprenantoj.

OKK de la XIII-a.

### 1-a listo de aliĝintoj.

- |     |                     |           |             |
|-----|---------------------|-----------|-------------|
| 1.  | 24 Cachon H.,       | Eaubonne  | (Franc.)    |
| 2.  | 50 Glodeau L.,      | Montreuil | (Franc.)    |
| 3.  | 3792 Glodeau S.,    | Montreuil | (Franc.)    |
| 4.  | 11 Banmer L.,       | Paris     | (Franc.)    |
| 5.  | 1768 Bartelmes N.,  | Paris     | (Franc.)    |
| 6.  | 1 Lanti E.,         | Paris     | (Franc.)    |
| 7.  | 11991 Devarenes L., | Paris     | (Franc.)    |
| 8.  | 14624 Moravec Fr.,  | Basel     | (Svisio)    |
| 9.  | 4983 Pech J.,       | Plzen     | (Ĉeĥoslov.) |
| 10. | 741 Robert E.,      | Le Raincy | (Franc.)    |
| 11. | 1170 Carey M.,      | Liverpool | (Britio)    |
| 12. | 90 Lerchner R.,     | Leipzig   | (Germ.)     |

### Bicikle al Stokholmo!

Jam nun kvin geparizanoj faras planon por bicikli al Stokholmo k partopreni la kongreson de SAT k ankaŭ tendaron eventualan. La veturado estos tra Belgio, Nederlando, Germanio k Danio. Se aliaj deziras partopreni la karavaneton, ili skribu al: Esperanto-kurso, rue du Bouloir, Paris-I.

Ĉiu zorgu mem pri sia manĝaĵo k dormado, kiu okazos sub tendo. La ĉiutage trapasata distanco estos centkilometra, t.e. proksimume séphora veturado kun rapido de 14 km hore. El la veturontoj tri estas Naturamikoj.

### AVERTO!

En „Ruĝa aktivisto“ (distrikta bulteno de LEA-distrikto Okcidenta Saksio) estas legeble, ke la iama K-do Kurt M. Carl estas eksigita el la esp. grupo pro defraŭdo (fortrompo) de sumo pli alta ol cent markoj.

Li estis juna, ambicia K-do, kiu okupis preskaŭ ĉiujn funkciojn de la grupo (ekz. kiel kursgvidanto, librovendisto k lastatempe eĉ distriktestra anstataŭanto). Propagandante k agente li neniam forgesis kalumnii kontraŭ SAT k ĝiaj membroj, kvankam li neniam estis SAT-ano. Tiuj linioj estas direktataj al la malnovaj, aktivaj, esp. funkciuloj; ili montras, ke ne ĉiam taŭgas la devizo: „Juna sango al la fronto!“



## Referendum-rezulto pri la nova Statuto de SAT

La 15. januaro 1933 estis la lasta tago de la referendumo-periodo k la 16. januaro kunsidis la Administracia Komisiono, kompletigita per K-dino 2465, por konstati la nombron de la resenditaj voĉdoniloj k la membrostaton. La kontrolo de la voĉdoniloj havis jenan rezulton:

La novan statuton	
aprobis	420
malaprobis	10
sindetenis	8
nevalidaj	11
Resenditaj sume	449

Stato de la aktiva membraro: 1947. Sekve la voĉdonadon partoprenis proks. 23,6%.<sup>1</sup> La voĉdonintoj dispartiĝas jene laŭ landoj: Argentino 5, Aŭstrio 23, Belgio 11, Britio 19, Britia Kolonio 1, Ĉeĥoslovakio 17, Danio 3, Francio 45, Germanio 181, Hispanio 18, Hungario 1, Jugoslavio 1, Kanado 1, Litovio 1, Maroko 3, Nederlando 59, Norvegio 4, Polio 10, Portugalio 7, Sovecio 1, Svedio 26, Svisio 3, Usono 9.

Por la orda kontrolo subskribas respondece:

Heinr. Siedentopf (2056), Paul Bauer (4660), Charl. Lerchner (2465).

## NOV-ELEKTOJ

Laŭ la paragrafo 11-a de la nova, nun validiĝinta Statuto la Plenum-Komitato sciigas la membraron, ke, pro la finiĝo de ĝia mandato, novaj elektoj devas okazi laŭ la maniero priskribita en la citita paragrafo. La P.K. petas do la membrojn en siaj lokoj starigi sur la tagordo la temon pri elekto de nova P.K. k eventuale proponi la nomojn de 6 (ses) kandidatoj ĉu el sia, ĉu el iu ajn alia urbo de la mondo, konigante la proponon al la adreso de la Plenum-Komitato de SAT, 23, rue Boyer, Paris XX, Francio.

Por ke laŭstatute la nomoj de l' kandidatoj povu esti ĝustatempe aperigataj en „S-ulo“, oni bonvolu zorgi, ke la proponoj trafu la Sidejon de SAT plej malfrue je la 5-a de majo 1933.

Ĉar samtempe kun la elekto de Plenum-Komitato devos okazi la elekto de kandidatoj por nova Ĝenerala Konsilantaro (unu membro en ĉiu geografia sektoro), la K-doj bonvolu priparoli en sama okazo ankaŭ tiun ĉi demandon k konigi al ni eventuale la nomon de tiu aŭ alia kandidato, kiun

<sup>1</sup> Por komparo: La referendumojn partoprenis en la jaro 1928 — 18,8% el la anaro, en 1929 — 35,4%, en 1930 — 21,8%, en 1931 — 32,6% k ĉe la fino de 1931 (fid-deklaro al la P.K.) 50%.

ili proponas, ĉu en sia, ĉu en ajna alia sektoro. Plenum-Komitato de SAT.

Noto. — Kiel jam sciigite en la n-ro 398 de „S-ulo“, p. 34, la nuna Plenum-Komitato malakceptas kandidatecon.

## DEZIRESPRIMO

Al la Plenum-Komitato,

Parizo.

Ni scias, ke la nederlanda laborista esperanto-movado post la 11-a SAT-Kongreso en Amsterdamo dank' al la fervora agado de la tieaj SAT- k LEA-anoj multe progresis; ni ĝoje memoras, ke speciale la nederlandaj Gek-doj forte subtenis la 12-an SAT-Kongreson en Stutgart; ni konstatas, ke la Gek-doj helpis sindoneme ŝtopi la breĉon de SAT; ni legis en „S-ulo“, ke la du-semajna holanda LEA-gazeto „Laborista Esperantisto“ kiel imitinda modelo „staras en la unua vico de tiuj, kiuj donas sian senrezervan apogon al SAT...“ k tiel garantias NLEA plej bone, ke la deziresprimon anoncitan dum la 12-a Kongreso ĝi akceptos post koncerna traktado.

Tial ni proponas kiel sidejon de l' Plenumkomitato k SAT-Direkcio estontan la urbon Amsterdamo k ni alvokas ĉiujn SAT-anojn voĉdoni por tiu ĉi propono.

SAT-anece salutas por la SAT-rondo Stuttgart: Rosel Wagner (17 678), Ulo (11 067), Paul Schäfer (5443), K. Gründemann (6742), Franz Steiner (4396).

## Komuniko de la Direkcio

La du-parteco de „Sennaciulo“ (Eldonoj A k B) estas nuligita favore al nova organo de SAT: „Sennacieca Revuo“, kiu aperos anstataŭ la Eldono A samformate k samamplekse (ĉiumonate 16 paĝoj). Ĉi tiu revuo enhavos ankaŭ literaturan materialon, transprenatan de „La Nova Epoko“, kiu lasta kun la fino de la jarkolekto (t.e. en februaro 1933) ĉesas aperi. Krome en „S.R.“ estos multnombraj priskriboj k raportoj el la tuta mondo ricevataj de SAT-anoj.

Ni petas la legantojn de „S-ulo“ noti tiun ŝanĝon en la titolo k aranĝo k, se iel iliaj financaj kondiĉoj tion permesas, ankaŭ aboni al la riĉenhava k interesa „Sennacieca Revuo“, kies unua numero aperos en marto k kiu de tiam eliros regule ĉiumonate.

La abonprezo restas la sama kiel tiu fiksita (vd. n-ro 399) por Eldonoj A+B de „S-ulo“, t.e. sur la bazo de 8 mk. g., 40 fr. fr. jare. Nemembroj povos ankaŭ aparte aboni al „S.R.“

## Progresanta movado en Norvegio

Ni eltiras el letero de K-do jenon:

Blovas nun esperanta vento en Norvegio. Lastaŭtune „Agado“ vendis ĉ. 800 lernolibrojn k ĉ. 1700 vortaretojn. Nia LEA aranĝis nur en Oslo 5 kursojn kun ĉ. 200 lernantoj, k en la nova jaro sin anoncis jam por komencantk progresigaj kursoj 60 Gek-doj. La organizado de l'adeptoj restas ankoraŭ nekontentiga, sed ni preparis grandan varbadon k vidas jam rezultojn. En 4 urboj fondiĝis novaj grupoj, kiuj aliĝis al LEA. La norveglingva interligilo „Arbetar-Esperantisten“ reaperas presite. Radio-Oslo donis permeson elsendi paroladon pri la laborista esperanta movado (legotan de K-do A. Sorensen). La lernolibro de Modesto estis granda sukceso; ĉe la neŭtraluloj aĉetas ĝin (tamen ili fortondas la partojn, kiuj propagandas por SAT). Da „Petro“ ni vendis lastjare ĉ. 100 ekz-erojn. Ni priparolis por la XIII-a Kongreso aranĝi karavanon al Stokholmo, por ŝpari monon.

## Granda sukceso en Francio

La 26. januaro la Administracia Komisiono de la „Confédération Générale du Travail“ (Francia Ĝenerala Sindikat-Unuiĝo) decidis la kreon de esperantokurso ĉe sia „Supera Laborista Instituto“. Nia K-do Paris gvidos tiun kurson. Krome estas decidite, ke la nomita Instituto anoncos pri la perkoresponda kurso de FEO (franclingva LEA).

Tiu decido ne nur helpas, sed ankaŭ multe plifaciligos la grandskalan propagandon entreprenitan de FEO ĉe ĉiuj sindikat-unuiĝoj k gravaj sindikatoj. Se oni prikonsideras, ke C.G.T., kun ĉ. unu miliono da anoj, inter kiuj preskaŭ ĉiuj socialistaj sindikatoj k 80 000 geinstruistoj, estas la multe plej multnombra franca sindikat-unuiĝo, evidentiĝas, ke la klopodoj de FEO akiris konsiderindan rezulton. Aliflanke ĝi ricevis ankaŭ de K-do Sevenels, sekretario de la Berlina Internacia Sindikat-federacio la komision organizi esperantan ekspozicion ĉe la kongreso nunjara de tiu organizo, en Bruselo.

Dependas nur de niaj senĉesaj klopodoj en ĉiuj landoj, ke baldaŭ nia movado akiru gravajn rezultojn ĉe la sindikatoj. Laŭ komuniko de F.E.O.

Jus aperis ĉe SAT:

G. BASTJAN (BASTIEN)

## LA LIBERECANA SOCIO

Tradukis el la franca A. Ozre

54 pĝ. 11 × 17 cm. Prezo: 0.60 mk.g. Mendu tuj ĉi tiun instruon socipolitikan verketon ĉe Administrejo de SAT, Leipzig O.27.



## EN NIA MOVADO KRONIKO

**Belgio.** (Borinage) En nia regiono funkcias 5 kursoj, unu en *Quaregnon* (Karnon) kun 20 l., unu en *Hensies* kun 10 l., unu en *Quiévrain* (Kievren) kun 8 p., unu en *Hornu* kun 25 p., unu en *Framerie* kun pluraj p. La du lastajn gvidas nia tre fervora K-do R. Aükier. (Nulo). — **Bruselo.** En dec. la grupo organizis publikan paroladon en esp-o plensukcesan laŭ kvalite k laŭ nombro de aŭskultantoj. Parolis K-do L. Lora (Parizo) pri „deveno k evoluo de la homa lingvo laŭ la teorio de Marr.“

**Ĉeĥoslovakio.** *Stonava.* Komence de decembro okazis publika lekcio pri neceso de I.L., kiun ĉeestis pr. 100 p. Rezulto: kurso kun 30 p., kiun gvidas K-do E. Chudoba (8139). En *Lasy* (Ostrova mindistrikto) okazas 1 kurso kun 20 p. ĉe pola kultura komitato; 2 kursojn aranĝitajn de loka esp. societo el Velovo ĉeestas 14 p.

**Germanio.** *Düren.* Ĉi tie okazis la 15. jan. la 5-a internacia prol. esp. renkontiĝo, la plej impona el ĉiuj ĝisnunaj. Ĝi estis malpermesita de la urbestro por la 13. dec. 32. Jam la 14-an alvenis pli ol 100 Gek-doj, inter ili 50 belgaj. La konferencon (la 15-an antaŭtagmeze) partoprenis pli ol 400 p. La gvidanto de l'Intern. Esp. Prop. Komitato raportis pri „unuĵara ekzisto de Int. kunlaboro.“ En ĉiu limregiono estos sukcese plenumita la „dujarplano“ dum 18 monatoj 100 % o-e. La belgoj eĉ jam akiris ĝis nun 200 % o-ojn laŭ la plano. La devo de l'germ. limregiono estis: organizi 63 novajn kursojn k fondi 20 novajn grupojn. La belgoj devas plenumi 33 % k nederl. 20 %. En Belgio funkcias 21 kursoj kun 500 p., en 21 div. urboj. En la nederl. limregiono 12 kursoj en 4 urboj, en la germ. limregiono (sen Köln) 33 kursoj en 28 urboj kun 500 p. Pasintjare oni aranĝis en la belga regiono 8 kursojn k fondis 2 grupojn, en Nederl. 5 kursojn k en Germ. 23 kursojn k 6 grupojn. Per nia plano ni sukcesis aranĝi grupkonkuradon. Ekz. la gr. Aachen volas atingi dum ĉi tiu vintro Köln, kiu havas 54 membrojn, dum en Aachen estas tute nova grupo. Same interkonkuras aliaj grupoj. Eĉ la limdistriktoj konkuris. Belgioj havas kiel devizon, ke Valonio estu tiel forta kiel Rejnlando. Nia movado ne nur kreskas kiel esp. movado, sed ankaŭ plenumas prolet-edukan taskon. Belgia K-do parolis pri la tiea klasbatalo, ministra striko ktp., ankaŭ pri la kolonioj k la indiĝena mizero. K-do F. parolis pri „interna gruplaboro“. La venonta kunveno okazos laŭ vica ordo en *Verviers* (Belgio) dum pasko. — Posttagmeze la partoprenantoj manifestaciis kun standardoj, afiŝoj k muziko tra la urbo; ĉeestis tiun k la vesperan aranĝon pli ol 500 p. (Int. Esp. Prop. Komitato). — *Stuttgart.* La 13.1. okazis la jarkunveno de l'loka SAT-rondo. La resaniĝinta agado pasintjare rekompencis sufiĉe bone la senlacajn klopodojn de niaj K-doj. Estis vere postulita granda oferemo okaze de la XII-a Kongreso, ĉar la disponeblaj fortoj estis malmultaj. Ni komencis aŭtune 3 kursojn por komencantoj kun sume 45 lern. Nun komenciĝis ankaŭ kurso kun 6 geinfanoj, al kiuj oni devas instrui samtempe la latinajn literojn, kiujn ili ne scipovas skribi. La 4.2. okazis varbvespero kun celo gajni grupanojn el inter la kursanoj. La vigla labor-unuiĝo de l'sudgermana SAT-anaro suferas finance sub la premo de l'senlaboreco; malgraŭ tio ni decidis aperigi samamplekse nian monatan interligilon „Voĉoj de SAT-anoj“. Ĉiuj grupanoj konsideris kiel devon helpi al SAT el la financa embaraso k aprobis pagi el la grupkaso 3.— mk. k por sama celo kolekti per speciala listo. Ni registras plensukcesan jaron, kies fruktojn ni utiligos en nia estonta laboro, (6742).

**Hispanio.** En *Zaragoza*, grava nordorienta urbo de Hispanio, ĵus fondiĝis Esp. Laborista Grupo kun tasko disvastigi esp-on ĉe la laboristoj, por ke ili fariĝu entuziasmaj sennaciuloj, konsciaj proletoj k veraj revoluciuloj. En nia urbo esp-o estas iom konata pro propagando de senpartiaj k burĝaspektaj societoj. Tamen, ĉar *Zaragoza* havas ribelem-an laboristaron, necesis ebligi al laboristoj dezirantaj lerni esp-on, viziti proprajn lab. esp. kursojn. Pro tio ni esp. laboristoj grupiĝis por krei proletan esperantismen en *Z.* Momente ni klopodas interkonatiĝi letère — bedaŭrinde ne estas eble parole — kun grupoj similaj en ĉiuj partoj de l'tero, ĉar la ideaj instigoj ricevotaj el niaj grupoj-korespondantoj estas bonega ilo por teni lernantojn ne ankoraŭ plene konvinkitajn pri la taŭgeco de nia lingvo kiel socia batalilo. Adr.: ESPERANTA LABORISTA GRUPO, Plaza de S. Carlos-3 (Pral.), ZARAGOZO.

### Por ŝtopi la breĉon

20. listo.

3691 Duinker (Den Burg)	guld.	1.—
17134 Linde (Zaandam)	guld.	— .50
Fr. Vreeswijk (Rotterdam): „Per mia malnova atlaso estis eble por mi organizi loterieton, 40 lotoj po 10 cendoj. Ĝi estis por ĉi tiu celo.“		
Kiu sekvos?“	guld.	4.—
„Zamenhof-vespero“ (Amsterdam distr.)	guld.	7.15
13607 Roosing jr. (Zeist)	guld.	1.—
486 Barrot (Buenos-Aires)	pes.	1.50
14335 Pauschenwein (Wien)	mk. g.	3.10
16884 J. Di Rago (Richmond)	mk. g.	2.90
17711 B. Beckeringh Kremer (Groningen)	guld.	2.50
17253 H. Hooghuis (Groningen)	guld.	1.—
13656 J. Wouda (Rotterdam)	guld.	1.10
11078 Wehrli (Morges)	mk. g.	2.30
17551	mk. g.	1.—
16750 Förster (Bielefeld)	mk. g.	1.—
14519 Paris (Malakoff)	fr. fr.	5.—
G. Vovelle (Gallardon)	fr. fr.	5.—
Ramon (Clichy-sous-Bois)	fr. fr.	5.—
Lefevre (Viroflay)	fr. fr.	15.—
1 (Paris)	fr. fr.	50.—

**Jugoslavio.** En *Ptuj* estas fondita lab. esp. grupo, kiu klopodas sciigi siajn anojn pri la grava rolo de esp-o en la laboristara servo k salutas la tutmondajn Gek-dojn (9135). La regularo por Jugoslavia LEA, akceptita de ĉiuj partoprenintoj ĉe la Lab. renkontiĝo en Slav. Brod dum la 5-a Jugoslava esp. kongreso, post sepmonata migrado de la ministerio al polico, de polico al ministerio, estas fine transdonita la 14.12.32 al ministerio de publika instruado (LEA-preparkomitato).

**Polio.** *Krakovo.* La 4.1. komenciĝis kurso kun 69 p. Antaŭaj grupetoj, kiuj lernis esp-on, kunigis, t.e. bakista grupo el T.U.R.O. k el div. sindikatoj de la urbo, k estis kreata lab. esp. klubo. Ni revas pri fondo de L.E.A. Bedaŭrinde multaj el ni estas senlaboraj. Al la kurso de l'burĝa societo ne anonciĝis eĉ 1 persono, dum al nia aliĝis ankaŭ intelektuloj. Cetere nia kotizo estas 3 zl. por monatoj, tiu de l'burĝa soc. 15 zl. por 6 semajnoj. Instruas K-do N. Osiek, akademiano de Krakova universitato; konversacion instruas K-do D. Last, vitropentristo. Administras K-do A. Piotrouski.

### Belgianoj atentu!

Grava korekto.

La tarifo por aktivaj membroj en Belgio estas fiksita je 6.— belgoj (kun „S-ulo“) k 12.— belgoj (kun „S-ulo“ k „S.R.“) jare (anst. la sumo citita en n-oj 399 k 400).

## Informoj de Socialista Frakcio

*Karaj Gekamaradoj,*

en la lastaj *Informoj* (S-ulo n-ro 400) mi nomis kelkajn el la aro de niaj taskoj, inter ili „varbadi por esp-o en socialistaj rondoj“. Hodiaŭ ni diskutu „kiel varbi por esp-o per rezolucioj, deziresprimoj aŭ proponoj ĉe kongresoj regionaj, landaj aŭ internaciaj de socialistaj organizoj“.

Ĉiujare okazas multaj kongresoj k renkontiĝoj regionaj, landaj k internaciaj de div. organizoj laboristaj (ekz. partiaj, sindikataj, kulturcelaj k sportaj). Multajn el ili povas partopreni anoj esp-istaj. Multaj el tiuj aranĝoj ebligas ankaŭ varbadon por esp-o per propono, deziresprimo aŭ rezolucio. Tial la Gek-doj bone agas, atente legante siajn revuojn k partoprenante siajn kunvenojn, por sciigi laŭeble plej precize k frue pri la okazo de tiaj aranĝoj. Se temas pri loka afero (ekz. aranĝo de Unua de majo, intern. lab. sporttago, intern. junula k infanamika tagoj ktp.), oni pritraktu la partoprenon k varbeblojn en la grupo kun la aliaj Gek-doj esp-istaj. Se temas pri regionaj aŭ landaj aranĝoj, oni ne nur loke, sed ankaŭ regione interkonsiliĝu pri eventuala partopreno k efika varbado. Tre utile estas, se oni havas specialan kajeron, en kiu oni kolektas ĉiujn aferojn tiurilatajn, por ke oni ne perdu tempon per la serĉado de materialo k adresoj necesaj. Ĉe propono de rezolucio por esp-o oni ne preterlasu verki tekston por la koncerna gazeto, por ke oni povu jam varbi per ĝi. Same oni agu poste. Partopreninte oni ne forgesu noti ĉiujn sciindaĵojn k ankaŭ sendi raporton al la sekretario de la Frakcio.

Kial la Frakcio ricevu raportojn? Kial ĝi bezonas kopiojn de rezolucioj,

## P. Neergaard: FREMDVORTOJ EN ESPERANTO

Ĉi tiu ĉ. 64-paĝa verko certe aperos k verŝajne pretiĝos jam en marto. *Antaŭmendojn oni ne plu sendu al la ĝisnuna adreso* (Date en Kopenhago), sed rekte al la

**Administracio de SAT,** samtempe pagante la prezon de 0.80 mk. germ. (1 svisa franko)

Faru vian mendon je tiu intereso broŝuro!



proponoj k deziresprimoj, rilatantaj al esp-o? Ĉar tiel la sekretario povas ĉerpi el ili sciindaĵojn por la aktivaj Gek-doj en tuta mondo k publikigi en niaj *Informoj*. Mi povas la ricevitaĵojn registri k ĉiujare doni resumon pri la stato de esp-o en soc. rondoj k prilabori tiun ĉi materialon por nova varbobreŝuro, kiun la Gek-doj jam delonge deziras. Ni konsciu, ke sukceso en unu loko utilas al la propaganda laboro de K-doj en aliaj lokoj.

Jen kelkaj spertoj de aktivuloj en nia movado: Iu partia gazeto ne emis akcepti artikolojn pri esp-o. La redakcio k koncernaj instancoj de la partia grupo loka ne simpatiis, eĉ kontraŭis. Sed nia aktivulo ne perdis la laborĝojon, li ankaŭ ne insultis, ĉar li komprenis, ke ĉiu nova ideo bezonas temp-on k laboremajn pionirojn. Li kolektis kun la helpo de alilokaj Gek-doj artikolojn pri esp-o, kiuj aperis en div. gazetoj de sama k frataj partioj. Post la ordigo de la tuta tiel kolektita materialo li denove interrilatis kun la gazetkomisiono de sia loka partigazeto, k jen, helpe de tiuj ĉi zorge kunmetitaj gazetartikoloj pri esp-o en div. lokoj en kelkaj landoj, li sukcesis konvinki la gazetkomisionon k redakcion, ke esp-o estas afero subteninda. Kelkfoje K-doj sukcesis ne la unuan fojon, sed nur post kelkaj provoj de refoja prezentado de nova materialo. Tiam materialon kolekti estas por opaj K-doj tre penige k multekoste. Sed se la frakcia sekretario ricevas aktualajn raportojn, dokumentojn, gazetartikolojn ktp, ĝi rapide k efike povas helpi al tiaj aktivuloj.

Se temas pri internacia aranĝo, ekz. intern. kongreso de Soc. partio, de sindikato, de soc. junularo, labor. sportularo, intern. tendaroj k akademioj, ktp., necesas, ke K-doj sciigintaj detalojn pri dato, loko k adreso, tuj skribu al la sekretario, por povi organizi la pluan prilaboradon de tiu ĉi kongreso aŭ internacia aranĝo. Oni komprenu, ke unue la sekretario ne havas la div. gazetojn por sciigi ĉiujn internaciajn aranĝojn k due, ke li eĉ ne kapablas legi ĉiujn por trovi la necesajn informojn. En tiaj situacioj simpla poŝtkarto de K-doj legintaj tiajn informojn pli utilas ol longdaŭraj diskutoj aŭ serĉadoj.

Kiom multe utilas tiaj resolucioj akceptitaj de grandaj organizoj, ni povis konstati en tempo pasinta ĉe la resolucioj de kongreso de Internacia Transportlaborista Federacio (ITF), kies teksto sekvas, por ke la K-doj havu modelon de tiaj resolucioj: La kongreso en Stokholmo en jaro 1928 akceptis unuanime la sekvantan proponon prezentitan de la sveda fervoĵista sindikato: „La kongreso opinias, ke por internacia movado estas necesa internacia lingvo. La enkonduko de

tia lingvo signifus por la lab. movado ne nur ŝparon je tempo k mono, sed akcelus la internacian kunlaboradon, kreante kondiĉon, ke ĉiu unuopa membro povu partopreni la internacian laboron. La intern. lab. movado havas tial la devon, konstante interesi la membrojn pri la intern. helplingvo k celi ĝian aplikon k disvastigon. La kongreso konfirmas la decidon de la kongreso de Hamburgo en 1924 k postulas de la sekretario de ITF daŭrigi sian agadon por la subteno al la helplingvo esp-o en la kadro de ITF, insisti ĉe aliĝintaj sindikatoj, ke ili propagandu k apliku esp-on en siaj fakaj organoj, ĉu per kursoj, ĉu per alia maniero, k per taŭgaj rimedoj subtenu k vigligu la esperanto-movadon.“ Apoge al tiu ĉi rezolucio (propono) ĉiu ano de sindikato (membro ĉe ITF) ĉe sia loka sekcio sukcesas akiri subtenon al la esp. movado.

Ni scias, ke ekzistas pluraj lab. organizoj, kiuj aprobis esp-on k rekomendas aŭ praktikas ĝin. Inter ili estas: Soc. Partioj de Aŭstrio, Nederlando, Hispanio, Polio, Anglio, Finnlando, Socialista Sport-Internacio, Soc. Junulara Internacio, k multaj aliaj, sed niaj Gek-doj bezonas por sia laborado ĉe la lokaj k regionaj instancoj de tiuj ĉi organizoj la tekstojn de la koncernaj resolucioj k proponoj. Nur havante la kopiojn de tiuj ĉi dokumentoj ili havas pli firman apogon ĉe la varbado. Ni konsciu, ke tiaj resolucioj povas esti gravaj helpiloj; sed, ne uzataj de niaj K-doj, ili restas nur surpaperaj! Tial Gek-doj helpu al mi kolekti tiujn ĉi tekstojn. Per niaj *Informoj* k prilaborata varbobreŝuro vi ĉiuj povos utiligi ilin. Kaj ĉiuloke ĉe lab. aranĝoj ni devas laŭ la cirkonstancoj proponi resoluciojn k atentigi pri proponoj jam akceptitaj. La venko de esp-o kuŝas ankoraŭ nur en la manoj de la esp-istoj. Tion ni konsciu k laŭ tio ni neniam laciĝante agu!

#### Respondoj al multaj:

La materialon de la frakcio mi nun plej grandkvante ricevis k povas studi ĝin k registri laŭ la intencataj laboroj. La Gek-doj ne forgesu indiki en SAT-jarlibron sian anecon ĉe nia frakcio; tion precipe atentu la frakciperantoj. Post studo k ordigo de la sekretaria materialo mi komencos rektan interrilaton kun la diversaj Internacioj. Por tiuj Internacioj, por kiuj ni jam havas rektajn perantojn, kiel ITF k Soc. Sport-Internacio, Liberpensuloj, ktp, tiun ĉi laboron faros la ĝisnunaj perantoj. K-doj, kiuj havas gravajn aferojn por komuniki al ĉiuj frakcianoj, la Informilo estas nia komunikilo! Cirkulerojn ni verkos k sendos nur, se tute specialaj kaŭzoj devigas nin fari tion.

Kun kamaradaj salutoj!

Konrad Deubler, München 13,

Arcisstr. 48/2r. Germ.

Amikaj LEA-gazetoj bonvolu represi.

#### Subteno al „LNE“

9534 Michalski (Berlin) mk. g. 2.50  
14562 Zachte (Amsterdamo) guld. —.60

#### Sciigoj de Sennaciista Frakcio

En januaro estis sendata al la membroj la *Sennaciista Bulteno*. Ĝi estas ok-paĝa, entenas koncizan protokolon pri nia kunveno en Stutgarto, okaze de la XII-a SAT-kongreso, k pripensigajn artikolojn. Bedaŭrinde kelkaj adresoj, komunikitaj de la ekssekretario, estas neĝustaj k poŝtaĵoj revenis. La koncernaj K-doj bonvolu do sciigi al ni sian precizan adreson.

Kredeble multaj ne scias aŭ forgesis, ke nia „Manifesto“ estas eldonita 3000-ekzemplere k ke ne eĉ la duono estas vendita aŭ disdonita. Cetere ni ankoraŭ ne havas reprezentanton en ĉiu lando k tia stato estas nepre aliĝenda. Ni estas certaj, ke inter la SAT-anoj troviĝas pli ol unu en ĉiu lando, kiuj aprobus aŭ almenaŭ simpatius al la vidpunkto, koncize eldirita en la „Manifesto“; sed ili ne havis la okazon legi tiun verketon k sekve restas nesciaj pri la preciza signifado de ĝia enhavo. Tial ni faras varman alvokon al la legantoj de „S-ulo“, ke ili ne rilatu indiferece al niaj klopodoj.

Ĉiu esperantisto devas nepre scii, ke la sennaciistoj metas la mondlingvon ĉe la bazo de sia ideologia sistemo, dum la teoriistoj de ĉiuj revoluciaj skoloj ignoras en siaj konsideroj la lingvan problemon. La sennaciismo sekve donas firman bazon por la propagando de esp-o; ĝi ligas la esp-istojn al la movado, kio estas tre grava, ĉar la sperto montras, ke se multnombraj estas la varbitoj, tamen tre malmulte el ili fakte restas fidelaj k agemaj mondlingvanoj. Ni esperas, ke post pli malpli longa tempo ne nur en ĉiu lando troviĝos konscia sennaciisto, sed en ĉiu lab. esp. grupo.

Skribu al ni; petu informojn, klarigojn ktp. Mendu nepre almenaŭ 1 ekzon de nia „Manifesto“; ĝi kostas nur 0.25 mk. g. (aŭ ekvivalenton en aliaj valutoj), ekskluzive afrankon, k restas ricevebla ĉe jenaj adresoj:

Britio: Horace Walker, 25, Grimthorpe Terrace, Ash Road, Headingley, Leeds.

Francio: L. G. Avid, 19 bis, rue J. — B. Baudin, Villejuif (Seine); post la 15. aprilo: 147, aven. de Choisy, Paris-13.

Germanio: J. Burger, Bruchstr. 47-a, Essen.

Nederlando: F. Faulhaber, Marathonweg 15, II, Amsterdam.

Norvegio: M. Muribo, H. H. Rodes Vei 1, Bekkelagshögda, Oslo.

Polio: Stef. Rostonic, ul. Pikna 52, Varsovio.

Svedio: O. Sandberg, Regeringsg. 116, Landskrona.

Usono: Teod. Veder, 24—29 Merchant Str., Astoria, N. Y.

Por la Frakcio: Komisie — H. Wagner, Bismarckstr. 140 II, Stuttgart, Germ.

Pro materiala abundo kelkaj rubrikoj k notoj devis esti prokrastataj.



## Sendu korespondaĵojn grandkvante!

Por la 1-a de majo la Ned. Federacio de Lab. Esperantistoj eldonos *specialan numeron* de sia gazeto en nombro de 100 000 (cent mil) ekzempleroj, 16-paĝan. Por ke ĝi estu plej interesa k varba en nia regiono (Nederlando k Flandrio), kie kreskas la simpatio por esp-o videble, ni bezonas la helpon de K-doĵ el ĉiuj landoj de la mondo. Ni volas pruvi per tiu n-ro, ke ĉie en la mondo esp-o estas uzata, k same, ke per esp-o k „S-ulo“ estas eble akiri el ĉiuj mondpartoj k plej malproksimaj lokoj ĉiajn informojn.

Sendu al ni antaŭ la 15. - 20. aprilo saluton aŭ artikoleon. Tiujn ni tradukos nederlandlingven k aldonos viajn nomon k adreson. Ni sendos al ĉiuj tuj post apero de tiu n-ro ekz-on, en kiu cetere troviĝos saluto de la nederl. lab. esp-istaro. Skribu esp-lingve. Vi povas skribi persone, sed pli volonte ni ricevos koncizan letereton aŭ artikoleon de kluboj, organizoj ktp. Se eble, provu akiri saluton por la nederl. lab-istaro de gravaj, jam ne esp-on uzantaj, sed ĝin favorantaj organizoj. La artikoloj enhavu i. a. saluton, instigon al uzado de esp-o, spertojn pri uzado, kun kiom da landoj oni korespondas, metion, aĝon ktp. Oni povas sin turni al iuj fakaj grupoj aŭ samcelanoj (ekz. naturamikoj, junularo, vegetaranoj, socialistoj, metalistoj ktp). Se estas konataj personoj, favoraj al esp-o, vi citu ilian frazon pri tio, montru faktojn ankaŭ pri la forto de l'esp. movado ĉe vi aŭ ion pri via landaj situacio k vivkondiĉoj (*sed tre koncize!*). Eventuale aldonu foton aŭ kliŝon. Se ne eblas skribi kelkajn liniojn, sendu simplan saluton. Ne preterlasu tiun okazon por efika helpo en la propagando. Sendu ĉion al la redaktoro de „Laborista Esperantisto“, Middenweg 226, Amsterdam-O., Nederl.

### Okaze de la 1-a de majo,

FEO projektas eldonon de speciala varbn-ro de „Le Travailleur Espérantiste“. Lab. Esp.-Grupoj k K-doĵ el ĉiuj landoj estas petataj sendi antaŭ la 5. IV. 33, mallongajn salutleterojn k raportetojn pri lab. esp. movado en sia urbo. — FEO, 115, Bould. Aristide-Briand, Montreuil (Seine), Franc.

### Skismo ĉe la neŭtraluloj

La naciisma ondo, kiu minacas superakvigi ĉion en la mondo, ankaŭ sentigis sian efikon en la neŭtrala movado. Jam de 25 jaroj ekzistas Universala Esperanto-Asocio (UEA), kiu sur neŭtrala fundamento konsistigas aparaton por la praktika utiligado de esp-o mondscale. UEA, kiel SAT,

ignoras landlimojn en sia strukturo. Tia stato estis netolerebla por kelkaj grandnaciaj societoj esperantistaj k precipe por la faŝista el Italio. Ili do entreprenis viglan k bone preparitan ofensivon kontraŭ UEA k la rezulto estas ... la fondiĝo de *Universala Federacio Esperantista*.

Do nun en Esperantio ekzistas UEA, UFE, SAT, IPE. Kun tiaj kvar soldatoj armeoj ni certe baldaŭ atingos la celon en gloro. Cetere estus malsaĝe ĉagreniĝi pro la disigiteco de la esp-aj fortoj, ĉar la kunfandiĝo de la lingvoj, nacioj ktp. okazas sendepende de esp-o — kiel kompetente asertis ia brigado en Moskvo (komp. en la 400-a n-ro de „S-ulo“, pĝ. 46). Feliĉa tempo! Saĝulara tempo!..

## NIA POŝTO

16 936. — Ni akceptas volonte ankoraŭ materialon por la rubriko „humoro“, sed kompreneble ne garantias povi uzi la *tuton*.

17 864. — Ni uzos vian tradukon, se estas loko; tamen ni preferas ricevi raporton pri viaj spertoj, komparoj ktp. dum via eksterlanda ĉesto.

17 375. — Ni danke ricevis la du ekz-ojn de „La Torĉo“, sed ni regule ricevas tiun gaz. interŝanĝe kontraŭ „S-ulo“.

16 063. — Sennaciismo k Internaciismo ne plu havebla.

## KORESPONDADO

### BRITIO

La 31. marto okazos letervespero ĉe ni. Sendu L, PK, PI ktp. al: K-do L. Rosenbloom, 19 Bent St., Cheetham, Manchester 8.

### FINLANDO

S-ro Vilho Koskinen, Abo, Kupittaa Savi, interŝ. PM.

S-ro S. J. Lehto, Kaivokatu 10, Abo, interŝ. bonajn PM, prec. nov.

### FRANCIO

K-do Poupa Ferdinand, popolinstruisto 26-jara, Préfontaines par Château-Landon

## Agentoj serĉataj!

Vi povas konstante gajni iom da mono, perante al ni regule REVUOJN (periodaĵojn) el via lando. Ilustritaj, humoraj, distraj, prisociaj, romanrakontaj, politikaj, ekonomiaj, priskribantaj naturbelajaĵojn, mallonge: ĉiuspeca estu la enhavo. Formato proksim. simila al „La Nova Epoko“.

Ni instrukcios vin, kiel plej bone akiri sufiĉan nombron, dume sendu provekz.

Vi ricevos kompenzon por viaj elspecoj, penoj k nombro da revuoj *senmakule* liveritaj. Nur limigita nombro da perantoj bezonata, tial skribu tuj al:

**International Magazine Library**

24-29-26th Street

Long Island City, N.Y. (Usono)

Presejo Oscar Wettig, Gelnhausen (Germanio)

(Seine et Marne) dez. koresp. kun kolegoj en Germanio.

### HUNGARIO

15 junaj Gek-doĵ koresp. kĉl, pri ĉ. temoj. Unu resp. garantiata. Adreso: III-a grupo de H.E.S.L., *Kispest II*.

### NEDERLANDO

K-do Fr. Willemsen, Amazonestr. 3., Den Haag, kĉl, pri ĉ. temoj, PK, il. jurnalojn.

### PORTUGALIO

K-do Antonio Luiz Marques, T. Santa Cruz 5, Barreiro, kun Gek-doĵ el la tuta mondo, pri ĉ. temoj, L, PK, revuoj, ktp.

### SVEDIO

K-do Edvino Johansson, *Gumhöjden*, pri div. temoj, kĉl. Resp. garantiata. Mi atendas multe da koresp-aĵoj de Gek-doĵ.

K-do Sven Rhodiner, Trädgårdsgatan 8, B., Ratorp/Karlstad, PI, PM.

La esp. klubo en Bollebygd aranĝos la 15. 3. letervesperon (por ekstereŭropanoj 15. 5.). Ni atendas multajn L, PK k resp. al ĉiu. Adreso: K-do Magnus Andersson, Esperanto Klubo, Bollebygd.

## Esperanto-Ekspozicio

estas organizota de la Belgia sekcio de FEO dum la Kongreso de Internacia Sindikatara Federacio, en Bruselo, fine de julio 1933, kun la konsento de ties estraro. K-doĵ el ĉiuj landoj sendu de nun ekspoziciaĵojn (esp. gazetojn, afiŝojn, presaĵojn ktp.) al la Belgia sekcio de FEO, 24, rue de Sévigné, Bruxelles-Anderlecht, Belgio.

### Atentu!

La 5-an de aprilo ni aranĝos

#### LETERTVESPERON!

Sendu multnombro L, PI, gazetojn, ilustritajn revuojn ktp. Al ĉiu estos certe respondata! Se oni deziras, ni ankaŭ korespondados konstante. Skribu al: K-do Erwin Becker, Ndf. 45, Weigelsdorf (Eulengeb.) SAT-rondo Langenbielau-Weigelsdorf. Germanio.

### Atentu!

Esperanto Klubo de Hjalmedal aranĝos letervesperon, la 14-an de marto 1933. Sendu L, PK k salutojn multnombro. Respondo estas certa. Adr.: K-do Verner Lindberg, Rixö kp. Hjalmedal (Svedio).

### Gekamaradoj tutmondaj!

Ĉe finiĝo de la vintraj kursoj, nia klubo aranĝas feston kun letervespero meze de marto 1933. Centnombra anaro promesas viglan k daŭran korespondadon. Adresu al: K-do Helmer Sundkvist, Lunden 444, Skoghäll (Svedio).

### Internacia korespondvespero

La 31. marto ni aranĝos supre cititan vesperon k petas la Gek-doĵn el ĉ. landoj, sendi al ni L, PK. Respondo estas nepre garantiata. Adreso: K-do Willy Böhm, Bergstr. 11, Hirsberg Rgsb. (Germanio).

### Gekamaradoj atentu!

Kiu dez. scii la veron pri Sovetio k pri nia socialisma konstruado entute, k pri vivo de laboristaro en nia lando aparte, bv. demandi k skribi al jena adr.: Sovetio, Leningrado, str. de Dekabristoj, Domo de Kulturo je nomo de unua jarkvinplano, Sektoro de Kontingentoj, Esperantista Internacia Laborista Kunligo.

### Letervesperon

aranĝas Klubo esperantista de Karlstad dum monato marto. Ni petas K-doĵn ĉiulandajn nin helpi. Resp. al ĉiuj garantiata. Adreso: Evert Jansson, Box 139, Karlstad, Svedio.